

陝西府縣志輯

中國地方志集成

政權區劃志輯(1)

陝西府縣志輯 ⑮

纂修同州府志官員姓氏

總纂

前任同州府知府李恩繼漢軍正白旗
丙戌翰林

前督同州府事現任鳳翔府知府武訪晴山西崞縣人
壬辰進士

參訂

前任潼關撫民同知凌樹棠

前署潼關同知何內勳

前候補知府大荔縣知縣熊兆麟

前署大荔縣事紫陽縣知縣方坦

同州府志卷首

前署大荔縣事候補知縣華玉墀

前署朝邑縣事候補知縣田惠中

前署郃陽縣事武功縣知縣任恩培

前任澄城縣知縣知州銜調補渭南縣知縣金玉麟

前任華陰縣知縣甘來旬

前署華陰縣事候補知縣李春培

前署白水縣事候補知縣錢鈞

收掌

前候補縣丞陸觀清

纂修同州府志現任官員姓氏

總纂

道銜同州府知府文廉正藍旗乙未
進士

編輯

乙未科舉人唐城縣教諭卽選知縣蔣湘南河南固始縣人

參訂

潼關同知孫治

大荔縣知縣鄧廷鑑

朝邑縣知縣易世澤

同州府志卷首

郃陽縣知縣陳廷植

署澄城縣事候補知縣張鳳羽

韓城縣知縣與綬

華州知縣葉椿齡

華陰縣知縣倪印垣

蒲城縣知縣曹熙

白水縣知縣鄧珪

分枝

代理大荔縣事候補知縣楊承恩

同州府經 歷余居禮

校對

同州府教 授張淳雅

同州府訓 導党鳳樓

大荔縣教 諭冉達吉

大荔縣訓 導李遇南

收掌

候補未入 流單 溇

大荔縣典 史郭廷椿

同州府志卷首

三

校刊

候補未入 流涂鳳諾

候補未入 流周 榕

候補未入 流陳受祿

候補從九 品毛建中

右志板舊藏府署余攝任之初索求不得僉云歷經兵燹

已燬於火矣竊疑同州雖遭髮捻回匪之亂而城守無失

兵勇蹂躪何必災及棗梨徧詢老吏乃得之於刷工畦姓

之家顛倒錯亂鼠齧塵封窮數日洗剔檢查之力冒日始

就清釐而板片頗有殘缺夫以前賢作志之難李君倡之

武君繼之文君成之時歷三載費糜萬餘乃蒞厥役未及

一世而竟聽其散逸如此官廨如傳舍亦視典冊爲廢文

無足怪已查豐登書院東偏藏書閣爲圖書經籍之府由

學官監理事有責成是以鮮有佚失爰令手民補其闕遺

同州府志

一

以成完本合全志三十七卷計板九百四十八片並題籤

板二十七片檄發書院藏弄閣上有乞印者由監院官收

發如有短失惟監院官是問庶幾典守既專物以久存文

與獻足無負纂修者揚勵風化之苦心爾

恩施饒應祺謹識

凡例

同州府志創自乾隆五年至四十六年又有續增迄今七十餘年未經重修舊志共六十卷分十六門大概取各州縣之志而彙錄之與類書無異職官選舉等臚列人名又類官簿卯冊不足以垂示典型茲之重修特援古地理家圖經之法而緯以史例先舉其大凡如左

舊志首列

天章最爲得體而附果親王華嶽詩于

御製卷中不合尊無二上之義茲故刪之而益以乾隆以

同州府志卷

凡例

後

欽頒之文統爲

聖製紀凡十屬遇災蠲緩奉有

詔旨及郡人之受

勅封贈藏有

誥諭寶軸者非惟一家之榮實乃一郡之光並錄其文爲

皇恩紀二紀弁諸卷首而不列入卷數者所以昭敬謹

府志以府爲主制度典章均按十屬之憲綱爲次若沿革

則由古逮今山川則後支先幹職官人物等皆循其所

生之朝代而書某州某縣不得依今代憲綱至使散而不貫重而又複令讀者但知有縣不知有府也三通之例通數千年爲一今宜仿之通十屬爲一

方志古名圖經自宜以圖爲主然在官之朝章國故在民之疇行純修非圖經之法所能盡不能不參合志傳之體其沿革事跡職官選舉等各按朝代年月科分爲序不能不用表體茲故定爲圖表志傳四目而各以門類分載

圖以開方經緯爲主舊志雖有總圖分圖而未明開方令

同州府志卷

凡例

閱者混淆莫辨茲以今代疆域爲準方方開之庶幾瞭如指掌

府境子秦屬內史漢爲京兆馮翊二郡地北魏則華山澄

城白水三郡地北周則武鄉澄城華山白水四郡地隋

則京兆馮翊二郡地唐則華陰馮翊二郡地宋金元皆

同華二州地明亦同華二州地而隸于西安府是皆非

圖不足以明之故作歷代疆域圖以與紀事沿革表互

證讀者于古今形勢可以了然

府境分野入井一度而十屬疆域廣狹不一則分秒仍待

剖析乾隆中

欽定西域圖志實測北極高度較分野之說更爲有憑茲故敬援其例用欽天監法測算十屬經緯度分爲府屬高弧表

舊志沿革在第二卷大事在五十二三卷令讀者翻檢不易茲故援景定建康志之例紀事沿革合爲一表職官選舉中有事跡可傳者別爲循吏列傳否則載名于表俾後來有考而已此史記漢書舊例

十屬人物太繁州縣志中傳文亦不勝載今擇其有關係

同州府志卷

凡例

三

者次爲列傳餘則列爲古今人表以存其名所以省繁爲簡也其名之已見選舉表者人表中不必更見

漢書人表中亦載列女茲以人數過繁別爲一表其賢明久著與苦行尤甚者仿劉子政列女傳例傳之

天潢支派非職方所隸故舊府志及各縣志所有后妃公主等皆不入列女志傳

事關掌故而爲直省通行載在

會典者非一府所得專皆所不錄

建置田賦祠祀學校兵防風俗物產經籍八志用漢書八

志之例山川志用山海經水經注之例古蹟以考證爲主用鄭漁仲通志馬賁與通考中地理門之例鄉鎮陵墓寺觀三志皆仍用舊志而稍增補以其合寰宇記九域志之例也金石志則集古錄金石考之例

良吏傳列傳列女傳文多取諸舊志而益以新采其無實事可徵者刪之而列其名于表

同之有志始自明天啓中大荔縣人雲南副使馬樸其時州未升府所領五縣並無附郭也

本朝雍正十三年州升府後華州合屬亦歸此府太守張

同州府志卷

凡例

四

君倡纂府志本馬樸之同州志及明代張光孝之華州志而增以各縣之志其序跋今具錄于序傳中俾後之考志乘者有以詳其源流至于蒐討未精體裁未當統俟來哲加正焉

同州府志目錄

聖製紀

皇恩紀

卷一 圖

同州府疆域總圖

大荔縣疆域圖

朝邑縣疆域圖

郃陽縣疆域圖

澄城縣疆域圖

同州府志

目錄

韓城縣疆域圖

華州疆域圖

華陰縣疆域圖

蒲城縣疆域圖

潼關縣疆域圖

白水縣疆域圖

同州府境兵防圖

卷二 圖

太華山圖

少華山圖

梁山圖

龍門山圖

府境水道圖

卷三 圖

夏商疆域圖

周疆域圖

秦疆域圖

漢疆域圖

同州府志

目錄

後漢疆域圖

北魏疆域圖

西魏疆域圖

北周疆域圖

隋疆域圖

唐疆域圖

宋金元疆域圖

明疆域圖

雍正以前疆域圖

潼關十二連城圖

卷四 表

府屬高弧表

卷五 表

紀事沿革表上

卷六 表

紀事沿革表下

卷七 表

職官表

同州府志

目錄

卷八 表

選舉表上

卷九 表

選舉表下

卷十 表

古今人表

卷十一 表

列女表

卷十二 志

建置志

卷十三 志

田賦志

卷十四 志

祠祀志

卷十五 志

學校志

卷十六 志

兵防志

同州府志

目錄

卷十七 志

山川志上

卷十八 志

山川志下

卷十九 志

鄉鎮志

卷二十 志

古蹟志

卷二十一 志

風俗志

卷二十二志

物產志

卷二十三志

陵墓志

卷二十四志

寺觀志

卷二十五志

經籍志

同州府志

目錄

五

卷二十六志

金石志

卷二十七傳

良吏傳上

卷二十八傳

良吏傳下

卷二十九傳

列傳上

卷三十傳

列傳中

卷三十一傳

列傳下一

卷三十二傳

列傳下一

卷三十三傳

列女傳

卷三十四傳

序傳

同州府志

目錄

六

附文徵錄三卷

同州府志卷首

河山雨戒融精華嶽輝以天章熊熊灼灼桃塞龍門

黃壤厥土於萬斯年佑茲桐鼓 臣恩繹謹述

聖製紀第一

順治八年祭告西嶽華山文

惟神宵窳豫鎮聳峙蓮峯萬品賴成羣生仰盛朕誕膺天命祇荷神庥特遣尙官用申殷薦惟神鑒焉

順治十八年辛丑閏七月遣都察院左副都御史楊時薦致祭於西嶽華山之神曰惟神宵窳豫鎮聳峙蓮峯萬品

同州府志卷首 聖製紀

賴成羣生仰盛朕誕膺天命祇荷神庥特遣尙官用申殷薦惟神鑒焉

康熙六年丁未八月遣吏部左侍郎梁清寬致祭於西嶽華山之神曰惟神宵窳豫鎮聳峙金方萬品鈞成羣生仰

盛朕躬親政務祇荷神庥特遣尙官用申殷薦惟神鑒焉康熙七年祭陝西諸帝王陵文

自古歷代帝王繼天立極功德並隆治統道統昭垂奕世朕受天眷命紹續丕基庶政方新前徽是景明禋大典亟宜肇修敬遣專官代將牲帛爰昭殷薦之忱肆備欽崇之

禮伏惟格歆尙其鑒鑒

康熙十五年丙辰三月遣內閣侍讀學士王敷政致祭於西嶽華山之神曰惟神宵窳豫鎮聳峙金方萬品鈞成羣生仰盛朕祇承神祐懋建元儲特遣專官用申殷薦惟神鑒焉

康熙二十一年壬戌三月遣內閣侍讀學士翁英致祭於西嶽華山之神曰惟神清凝顯氣峻極金方萬品彙成羣生嘉悅朕祇承神祐疆宇蕩平特遣專官用申殷薦惟神鑒焉

同州府志卷首 聖製紀

康熙二十一年祭陝西諸帝王陵文

自古帝王受天顯命繼道統而新治統聖賢代起先後一揆成功盛德炳如日星朕誕膺睿祐臨制萬方埽滅兇殘廓清區宇告功古后殷禮肇稱敬遣專官代將牲帛爰修禮祀之誠用展景行之思仰企明靈尙其鑒鑒

康熙二十三年甲子 月遣內閣學士兼禮部侍郎牛鈕致祭於西嶽華山之神曰惟神清凝顯氣肅鎮金方萬寶用成羣生利濟朕欽承泰運時邁省方肅若舊章專官秩祀神其鑒焉

康熙二十七年戊辰十二月遣鑾儀衛鑾儀使葉克舒致祭於西嶽華山之神曰惟神靈開太極德主西方萬彙用成羣生仰賴朕繼承

祖宗丕基虔恭明祀茲以

皇祖妣孝莊仁宣誠憲恭懿翊天啓聖文皇后神主升祔太廟禮成特遣專官用申秩祭惟神鑒焉

康熙三十二年癸酉四月遣

皇長子^諱致祭於華山之神曰朕惟五嶽之祀載於虞書

所由來遠矣稽考歷代舊章國有慶典必舉告祭之文蓋

同州府志卷首 聖製紀

三

以其含靈布澤能錫福於斯民故禋祀惟虔禮至重焉西嶽華山之神聳峙關中照臨西土比年以來秦省左右亢旱頻仍百姓艱食流離轉徙未有安居田疇荒蕪不能墾闢朕憫念焦勞罔間宵旰反復圖維或者因朕之不德或者有不肖以致雨暘失節重困吾民前者蠲租發賑屢遣大臣拯民疾苦守土鉅寮亦已更置殫心竭慮以盡人事而蒸民猶未臻康食朕念國家以民爲本民以食爲天百穀蕃滋端賴雨澤順時霑足咸藉神功用是特遣皇長子^諱虔申殷薦祇乞默佑時沛甘霖俾三農常沾優渥

之庥庶兆姓永享豐亨之樂錫民嘉祉丕慰朕懷不益光歟朕之斯舉非以媚神求福也惟敬爲百姓請命爰布誠悃神其鑒茲謹告

康熙三十五年丙子正月遣戶部左侍郎王士正致祭於西嶽華山之神曰惟神氣稟金精德凝西灝羣生託命萬寶用成朕勤恤民依永期殷阜邇年以來郡縣水旱間告年穀歉登蚤夜孜孜深切軫念用是專官秩祀爲民祈福冀雨暘之時若庶稼穡之屢豐惟神鑒焉

康熙三十五年祭陝西諸帝王陵文

同州府志卷首 聖製紀

四

自古帝王繼天出治道法兼隆莫不慈惠嘉師覃恩遐邇朕勤恤民依永期殷阜邇年以來郡縣水旱間告年穀歉登蚤夜孜孜深切軫念用是專官秩祀爲民祈福冀靈爽之默贊溥樂利於羣生尙鑒精忱俯垂歆格

康熙三十六年丁丑八月遣都察院左都御史張鵬駿致祭於西嶽華山之神曰惟神德著清灝壯峙金天萬彙慶成歲功永賴朕以勦除狡寇三履遐荒期埽邊塵乂安中外今者祇承神佑塞北永清用告成功專官秩祀惟神鑒焉

康熙三十六年祭陝西諸帝王陵文

自古帝王受天景命制治綏猷必禁暴除殘以乂安黎庶
緬懷往烈道實同符朕欽承帝祉臨御九圉茲以狡寇跳
梁親征漠北蕩滌寇氛廓清邊徼永消兵革以與普天率
土樂育太和敬遣專官代將牲帛昭告古先哲后虔修禋
祀式彰安攘之模用展景行之志仰企明靈俯垂鑒鑒

康熙四十二年癸未四月遣翰林院侍讀學士余志貞致
祭於西嶽華山之神曰惟神金氣鍾靈西區建極蓮峯擅
勝仙掌標奇朕祇承休命統御寰區夙夜勤勞殫思上理

同州府志卷首 聖製紀

五

歷茲四十餘載今者適屆五旬海宇昇平民生樂業見輿
情之愛戴沛下土之恩膏特遣專官虔申秩祀尙憑靈貺
益錫蕃禧佑我國家共登仁壽神其鑒焉

康熙四十二年祭陝西諸帝王陵文

自古帝王繼天立極出震承乾莫不道治寰區仁周遐邇
朕欽承丕緒撫馭兆民思致時雍常殷惕勵歷茲四十餘
載今歲適屆五旬宵旰兢兢無敢遐逸漸致民生康阜世
運昇平頃因黃淮告成親行巡歷再授方畧善後是期昭
民志之歡欣滋朕心之軫恤邁同鑒馭大沛恩膏用遣專

官敬修祀典冀默贊邅隆之治益宏仁壽之休尙鑒精忱
俯垂昭格

康熙四十二年西巡祭告諸帝王陵文

朕勤求上理撫育民生巡行雖歷東南咨訪未經西土茲
因觀風闕武察吏安民不憚冰霜蒞止秦省稽前代之陵
寢皆寄邇於長安惟帝德在生民功存當代芳型昭著令
譽長垂披覽簡編恒深緬想遣專官而展祭列俎豆以將
誠靈其鑒知來歆來格

康熙四十二年西巡渡黃河潼關駐蹕

同州府志卷首 聖製紀

六

星淵來晉甸天險峙秦關波湧方舟速威明石戍間萬民
瞻鳳輦百職集鷄班冬省經茲地移風先化頑

入陝西境

世遠山河在漢唐史有存風光移萬戶景物換千門歎昔
當殷鑑疇今廣湛恩從來秦隴地莫使競心繁
望華山 回鑾至華陰欲登華山因風霧所阻
踟躕風霧阻連峯未識雲臺止水溶秦地山川聊一望方
輿畝畝盡三農兵民擁道心隨仗文武攀轅淚滿容涼德
何能衢壤樂皆因歲久慶時雍

我皇上神靈天授文思性成當重熙累洽之餘正止戈敷文之際豐功大烈既上耀於日星巨筆鴻章亦不垂於天壤乃今

御極之四十有二載實我

皇上春秋五十之時念小民萬方在一一人則售災肆赦稽大禮五嶽視三公則馨香告虔特遣大臣用事西嶽并錫以龍鳳騰儀雲露垂結額之古殿而山嶽增輝勒之豐碑而鐘趺不朽式祀嶽之典歷代多有而或文不足以紀其盛實不足以稱其文則文實副而無天章宸翰之觀則亦不足以飾盛治而傳無窮矣惟我皇上首出庶物而撫其能以答神庥則以敬以格以示臣民則式瞻式仰以昭四裔則來享來王以昭奕禩則不知其所紀極也臣等拜手稽首而敬贊曰元氣靈渾游皇軒也嘉禾橫發躋炎農也望之如雲依堯仁也其始無端其終無盡殆若宣聖之集大成金聲而玉振也

同州府志卷首 聖製紀

七

康熙四十四年重修西嶽廟碑文

天地定位山嶽效靈體發育之能贊生成之德尊踰四瀆秩視三公祀典之於五嶽禮恭重矣矧華山峻峙雍州雄居西土辨方維而兆歲事於有秋盛德在金助氣機之始肅興雨則膏流河渭出雲而氣接恒嵩尤宇宙之奧區神祇之靈府也嶽廟當華陰衢道基趾崇宏棟梁巍煥明禋盼靈降格居歆國家之邀福迂禧以大庇我陝東西數千里之蒼黔者於是乎在而年歲寢久則傾圯漫漶不能無虞朕於癸未冬省方西巡莅止少華山之麓矚雲臺望仙

掌靈蹤勝跡翳翳於煙嵐羣竊問而西連壠坂東接函關

士俗民風停車坐悉秋露凝而勤收穫商賈起而謹蓋藏

年穀屢豐閭閻日阜自非神庥曷克臻此於是入祠展謁

遣祭致虔特命所司鳩工載葺不與一役輪奐丕新聲收

之別館增輝少昊之下都彌綯自今以始達精忱於玉帛

陳黍稷之馨香默佑潛孚嘉祥翕集位坤靈以作成萬物

宏兌澤而利濟羣方豈有量哉爰勒豐碑用垂奕禩

御書匾額露凝仙掌

御製修西嶽廟碑文

陝西巡撫鄂海恭鐫

同州府志卷首 聖製紀

八

聖駕西巡狩至華嶽

皇仁廣大軫念蒼生特發帑金重修嶽廟臣海奉承休命卜吉鳩工丹雘維新雲霞綯綯竣事而後恭請

御書匾額并

御製碑文家恩報可迺於今年六月初四日頒賜到臣臣拜手稽首祇受訖隨命工鐫刻擇日懸匾樹

碑匾曰露凝仙掌其字方廣三尺壯偉奇傑龍犀萬象龍躍天門而虎臥鳳掌其日月照臨而星斗不致並其光也

風雲雷雨交發互作而草木為之蒼翠山川為之振動也天威咫尺厥在目前萬古以來空前映後豈藏獻輩所敢

望乎從此永鎮山河煜耀天地微獨增榮嶽廟而已至於碑文一道

聖恩深醇帝典王謨統歸兩鑄伏念皇上以聖神文武之德子惠元元六合一豕恩同怙恃而

視西陲也更重其深仁厚澤加德於三秦父老子弟者尤煥煥而難名維西嶽為成物之主職司秋令

皇上諱諱為此蓋以祝雨暘之時若祈年穀之順成戶積倉箱家餘蓋藏為陝西數千里百姓介景福於無窮也

為陝西數千里計即為九州億萬萬生人計則皇恩如此為臣子者不可不知所報故惟是帝德如天感逾覆載自留左右記注秉國史者書之而省志實與國史相表裏蓋志者史之基也臣謹將御製碑文列入陝西通志俾秦關百二與有千秋萬世之光焉且使

皇上天地生成之德永永用極秦人頂戴傳之世世子孫綸綍昭垂鑠心刻膺與華嶽同其不朽可也

康熙四十八年己丑五月遣內閣學士兼禮部侍郎孫柱致祭於西嶽華山之神曰惟神氣鍾西嶽德稟金精玉井流甘蓮峯挺秀朕仰荷天庥撫臨海宇建立元良歷三十

同州府志卷首 聖製紀

九

餘載不意忽見暴戾狂易之疾深惟

祖宗洪業及萬邦民生所係至重不得已而有退廢之舉嗣後漸次體念當有此大事時性生奸惡之徒各庇邪黨借端構釁朕覺其日後必成亂階隨不時究察窮極始末以而確知病原皆由鎮厭亟為除治幸賴上天鑒佑平復如初朕比因此事耗損心神致成劇疾皇太子晨夕左右憂形於色藥餌必親寢膳必視惟誠惟謹歷久不渝令德蓋昭丕基克荷用是復正儲位永固國本特遣專官敬申殷薦惟神鑒焉

康熙五十二年癸巳五月遣內閣學士侍讀查弼納致祭於西嶽華山之神曰惟神少昊儲精崑崙競秀祥流仙掌

澤布靈池朕纘受鴻圖撫臨區宇禪思上理夙夜勤求惟日孜孜不遑暇逸茲御極五十餘年適當六月初屆所幸四方安謐百姓乂和稼穡歲登風雨時若維庶徵之協應

爰羣祀之虔修特遣專官式循舊典冀益贊雍熙之運尙永貽仁壽之休俯鑒精忱用垂歆格

康熙五十二年祭陝西諸帝王陵文

自古帝王繼天出治建極綏猷莫不澤被生民仁同寰宇

同州府志卷首 聖製紀

十

朕躬膺寶歷仰紹前徽夙夜孜孜不遑暇逸茲御極五十餘年適當六月初屆所幸四方安謐百姓乂和稼穡歲登風雨時若維庶徵之協應爰羣祀之虔修特遣專官式循舊典冀益贊雍熙之運尙永貽仁壽之休俯鑒精忱用垂歆格

康熙五十八年己亥二月遣翰林院侍講陳世倌致祭於西嶽華山之神曰惟神少昊儲精崑崙競秀祥流品彙德茂生成朕纘承

祖宗丕基虔恭明祀茲以

皇妣孝惠仁憲端懿純德順天翼聖章皇后神主升祔

太廟禮成特遣專官用申秩祭惟神鑒焉

康熙五十八年祭陝西諸帝王陵文

自古帝王受天景命建極綏猷垂萬世之經常備一朝之典禮朕欽承帝祉臨御九圍夙夜惟寅敬將祀典茲以皇妣孝惠仁憲端懿純德順天翼聖章皇后神主升祔太廟禮成特遣專官代將牲帛用展苾芬之敬聿昭禋祀之虔仰冀明靈尙其歆饗

雍正元年癸卯二月遣內閣侍讀學士田文鏡致祭於西

同州府志卷首 聖製紀

土

嶽華山之神曰惟神少昊儲精崑崙競秀祥流仙掌澤布

靈池朕纘受丕基新承景命竊念

皇考廟圖以來百靈効順四海從風坐享昇平六十一載茲當嗣位之始宜隆祀享之儀特遣專官虔申昭告惟冀時和歲稔物阜民安淳風徧洽乎寰區厚德長敷於率土尙其歆格鑒此精誠

雍正元年祭陝西諸帝王陵文

自古帝王繼天出治建極綏猷莫不澤被生民仁同海宇

惟我

皇考峻德鴻勳媲美前古顯謨承烈垂裕後昆朕以渺躬

纘承大寶當茲嗣位之初宜修享祀之儀特遣專官虔申昭告惟冀時和歲稔物阜民安淳風徧洽乎寰區厚德常敷於率土尙其歆格鑒此精誠

雍正二年祭陝西諸帝王陵文

自古帝王繼天立極表正萬邦愷澤徧於寰區仁風及於奕禩朕丕承大統遙契曩徽茲於雍正元年十一月二十五日恭奉

聖祖合天宏運文武睿哲恭儉寬裕孝敬誠信功德大成

同州府志卷首 聖製紀

土

仁皇帝主配享

圓邱禮成特遣專官虔申昭告惟冀永贊修和之治益昭安阜之休鑒此精誠尙其歆格

雍正十三年乙卯十二月遣日講起居注官翰林院侍講

學士楊椿致祭於西嶽華山之神曰惟神德秉金精位尊西嶽三峯挺秀萬類觀成朕纘承大統仰紹前徽伏念

皇考臨御以來敬禮明神肅將禮祀靈祇孚應昭受鴻休清晏奠安茂登上理茲當嗣位之始宜隆望秩之儀特遣

專官虔申告祭惟冀雨暘時若年穀順成萬方蒙樂育之

麻兆姓荷畔嶠之德尙其欽格鑒此精誠

乾隆十三年戊辰五月遣陝西潼商道李肖筠致祭於西嶽華山之神曰惟神清涵灝氣夙鎮西陲蘊結金精凝成萬寶朕仰承丕緒時建省方載舉舊章專官秩祀神其鑒焉

乾隆十四年己巳六月遣日講起居注官翰林院侍讀學士文保致祭於西嶽華山之神曰惟神秀聳蓮花氣涵清灝金天應位功茂西成茲以邊徼敕賓中宮攝位

茲賓晉號慶洽神人敬遣專官用申殷薦神其鑒焉

同州府志卷首 聖製紀

七

乾隆十五年庚午十月遣內閣侍讀學士額爾登布致祭於西嶽華山之神曰惟神秀聳蓮花氣涵清灝金天應位功茂西成茲以正位中宮鴻儀懋舉

茲賓晉號慶洽神人敬遣專官用申殷薦神其鑒焉

乾隆十七年壬申正月遣翰林院侍讀學士周長發致祭於西嶽華山之神曰惟神秀聳蓮花氣涵清灝金天應位功茂西成茲以

茲賓萬壽懋舉鴻儀敬晉

微稱神人慶洽爰申殷薦特遣專官神其鑒焉

乾隆二十年乙亥八月遣日講官起居注翰林院侍讀學士德昌致祭於西嶽華山之神曰惟神清凝灝氣秀聳蓮花綏集金方羣生嘉悅茲以平定準噶爾大功告成加上皇太后徽號神人洽慶中外蒙庥敬遣專官用申秩祭惟神鑒焉

乾隆二十五年庚子正月遣上書房行走內閣侍讀學士兼佐領世襲恩騎尉瑪璘致祭於西嶽華山之神曰惟神西顧承靈金天秉德稟秋行之嚴肅司寇戢冠運神力於鴻濛巨靈分掌九曲之河流遠赴三條之地絡中開茲以

同州府志卷首 聖製紀

七

逆回蕩平大功底定喜通天之有路享王並仰神功慶歸馬之成羣遐邇胥蒙神佑敬舉告功之典用申秩祀之文式薦馨香伏惟昭鑒

乾隆二十七年壬午正月遣宗人府府丞儲麟趾致祭於西嶽華山之神曰惟神功成商律位正金方蓮花開十支之祥石壁表三峯之秀流沙重譯遙瞻碧落於星壇渭水長安盡識晨光於仙掌茲以

茲開萬壽懋舉鴻儀敬晉

微稱神人慶洽仰靈祇於西嶽瑞應澄池奉秩祀於名山

芳騰雕俎寅清載飾鑒格惟歡

乾隆三十七年壬辰正月遣宗人府府丞李友棠致祭於西嶽華山之神曰惟神功昭兌位體結坤輿峭壁儼其削

成高掌鬱而特起玉池漱澗蓮開千葉之花石室嵯峨雲

護三峯之秀茲以

慈聞萬壽極舉鴻儀敬晉

微稱神人虔洽仰靈祇於華嶽天露流甘肅祀典於金方

星巖煥彩惟神昭鑒式是居歆

乾隆四十年陝西巡撫畢沅謹

奏為嶽靈昭應仰懇

同州府志卷首 聖製紀

五

皇恩

特頒匾額以答神祝事竊照西嶽華山在陝省同州府華陰縣境內襟帶河曲鎖鑰潼關北拱京華西連隴蜀高聳五千餘仞上峙三峯森嚴峻削出雲降雨蔭庇秦關歷代以來屢勤秋祀

本朝康熙四十二年

聖祖仁皇帝翠華西幸勅發帑金於南峯絕頂建立金天宮醮祀嶽帝

御題露凝仙掌四字匾額恭懸大殿

初六日自西安起行查看東路驛站經過地方秋稼雖已

陸續登場但社期已過霜信將萌必須及早翻犁乘時播

種二麥而察驗龍軌商形均未能十分滋潤農民望澤孔

殷臣以西嶽素昭不虛於初十日行次華陰即率領縣令

陸維垣致齋簡從隨駕登山次日至落雁亭頓於金天宮

內虔申禱祝立沛甘霖連三晝夜豐美優渥閭閻均沾十

三日少霽報謝下山沿村居民扶攜老幼踴躍歡呼此皆仰賴我

皇上敬

天勤民宵衣旰食精誠昭格上下誠通是以數載以來西陲郡邑雨暘時若

屢慶豐登臣職司守土幸際

昌期心切忭欣情殷籲請可否仰懇

聖恩

特頒御書匾額於金天宮內以昭美報而答神庥且

兩朝奎畫輝映後先麗葩三辰光耀羣嶽山祇呼吸本自

昭通既欣休於洪施自益昭大靈應所有匾額尺寸除呈

送軍機處外為此恭摺奏請伏祈

皇上睿鑒

御書匾額嶽蓮靈澍

奏本年十一月初一日臣齋捐差并同陝奉到

欽頒華嶽金天宮

御書嶽蓮靈澍殿額當即率同文武僚屬出郊跪迎恭設

同州府志卷首 聖製紀

六

香案望

闕叩頭祇領訖欽惟

皇上

德隆寰宇

道契祥和誠有感以相通功每祈而必報瑞函玉檢

奎光敷大地之文銀榜璇題

珍觀麗百神之宇惟茲華嶽遠鎮西陲

祖武於

宸游采雲會被仰

天章於

聖澤湛露猶需茲以靈辰式昭嘉貺沛三秋

命竊據酬康之典妄祈美報之貽迺蒙

皇上俯鑒微忱

特頒宸翰文垂寶露與靈澍以同

霑管燦天花共嶽蓮而競秀仰瞻

鳳藻咫尺

龍光敬遶翠版以瑀鑠祇獻珠宮於縹緲景